

Bacchi discolor varietas, in gemmis translucentibus, & in vasis aureis artificio vincente materiam: Alternatim apponebantur conuiuæ attonito & gaudenti. Aderant omnis generis odores, & gulæ irritamenta, extremo procùl Oriente transmissa. Ministrabant tenerrimæ ætatis & formæ varioris adolescentuli, nuntum edentis obseruantes attentius & alacrius obsequentes: Coronatus Damon, purpureum lectum molli premebat accubitu, iam fœlix, iam sibi sapiens videbatur, & tyrannicæ fœlicitatis verum sibi iudicium arrogabat. Hæc inter ex laqueari inaurata trabe suprâ caput discumbentis, coruscus mucro demittitur, equinæ caudæ ferula tremente suspensus, iam casurus, & similis iam cadenti. Ille autem subito horrore percussus, expalluit: Hære re cibus faucibus, non apparatus, non ministros, non epulas circumspectare, denique nusquam oculos ab acie ferri minantis auertere: orauit tandem vt abire permitteretur, nolle se diutius esse fœlicem. Atqui, inquit, Dionysius, talis die noctuque vita mea est, qualem tu momento temporis pertulisti: hæc est illa fœlicitas, quam inexpertus tantoperè mirabaris:

ris: